

gift

HARVARD-YENCHING LIBRARY
HARVARD UNIVERSITY
2 DIVINITY AVENUE

PANMUN
MAY 24 1968

NO LONGER PROPERTY OF
HARVARD-YENCHING LIBRARY

議啓疏
劄

丹
巖
嚴
奏
議
三

閔文忠公奏議卷之五目錄

疏劄

乞收偕來史官疏

因備忘辭旨引罪疏

因賊變奔問後臨歸陳戒疏

論長陵遷奉疏

辭實錄廳論賞疏

辭食物周急疏

論景廟行狀疏

乞致仕疏

癸丑袖劄

擬陳戒疏

擬進獻芹錄劄

閩文忠公奏議卷之五目錄

閔文忠公奏議卷之五

疏劄

乞收偕來史官疏

庚戌正月二十六日呈

伏以青陽載廻萬品昭蘓仰惟 殿下體元行健對

時育物 聖敬日躋 聖化日新臣身伏田里心懸

宸極北望頌祝無任耿耿之忱因竊伏念無狀賤臣

積罪如山 恩造罔極而尚稽祇謝 敦召至勤而

久未趨承近侍相守今已經年而冥然頑然無意蠢

動傍觀者亦爲之寒心則在臣身惶慄窮蹙之情當

復如何如是而尚逭刑章可謂國有法乎寢夢俱驚

食息靡寧直欲覓死而不可得也夫遣近侍偕來是何等曠絕之殊禮也自非去就出處繫國家安危者則未嘗輕施於人人如臣庸陋有何一毫近似於此者而乃敢冒當此恩也哉噫殿下之召臣夫豈徒哉而臣誠愚昧實莫曉聖意之所在豈殿下以臣爲簪履舊物戚畹近屬而逖違軒陛已多年所欲一面諭以叙眷戀之懷也耶此真古人所謂不敢請固所願也只緣區區廉義有所妨礙當待早晚自詣公車之意已陳於前疏業爲聖明之所俯燭則近侍之尚靳輟還似非爲此也抑殿下以臣謨猷

壽畫可以裨益治化欲其留置朝端以效匡輔也耶
臣昔三年在朝備位大僚有懷必陳未嘗有隱而終
無一言之當 聖心者其妄率狃狹之性莫逃於
聖鑑之下則其不堪復爲當世之用亦明矣近侍之
尚靳輟還者亦必非爲此也將 殿下以臣白首殘
年屢經風霜志氣已消窮老可憖欲其縻以爵祿待
以優禮使之謹默承順厠跡於諸大臣之後周容苟
合無所崖異以責蕩平以新觀聽也耶竊恐 聖意
或在於此而臣所以尤難於奉承也噫 殿下憂傷
乎國勢之阡危慨惋乎朋黨之爲禍必欲打破一黨

字以臻寅協之美 殿下之意甚盛甚盛爲 殿下
臣子者孰不欲祇若 休命哉凡自己之前日所爲
果有干涉於黨論者則所宜一併滌除仰體 聖心
而第伏聞向來臣等所秉討復之義 殿下亦歸之
於黨論之疑阻使以先天事視之而棄捐之臣嘗內
自循省反復討究終覺其爲撐天地亘古今之大經
大義而不知其或近於黨論惟其請討之凶逆出於
平日異論之人而其黨又偏護之甚力故 殿下疑
其爲黨論而欲其棄捐之嗚呼天下之惡孰有大於
無禮於君者而視若薄物細故而棄捐之哉臣雖異

懦不敢出氣力以爭之而乃反俛首似似委翅戰戰
強爲悔謝之語而有若羞前之爲備呈哀憐之態而
欲以徼 上之寵則臣亦有一端羞惡之心所不忍
爲也臣於上所陳三者皆無所當則近侍之久滯

恩命之屑越豈不至爲未安乎目今畿邑殘敗東作
將始而厨傳之際疲氓奔走去來織路怨咨日聞以
臣之故貽獎至此豈獨臣心之縮慙不安而已亦朝
家之所宜軫念處也伏乞 聖明亟命召回史官以
祛畿邑之弊仍許臣待其庶義無拘疾病稍間一進
闕下祇謝 恩命任便來去無所牽掣不然則治臣

違傲之罪以肅朝綱以安賤分公私不勝幸甚臣無

任惶蹙祈懇之至國答曰首疏具悉卿懇師之平日為

處予常深慨矣今此此飭勵使臣僚務一箇公字之意

則今者疏語大乎反矣竊為卿尤慨矣性偏難克處

克將去乃聖人之訓也今予望卿者非容在悟心乃此

史官姑冷召還以復卿心卿其深體丁寧之旨滌未

切責諸臣之不
赴問安班者

因備忘辭旨引罪疏官二月紅疹日上下備忘

伏以臣伏奉向日批旨誨諭懃懇有若慈父之詔

迷子仍許召還近侍俾安賤臣之心其所以哀矜而

曲軫者曷越常倫臣伏讀再三不覺感淚之被面也

擬將調息病軀從容登途進詣輦下少伸情禮矣即
伏見初五日兩度備忘記則所以責勵在外諸臣
者至為切峻雖不敢知專指臣身而若其臚列之罪
狀則皆臣之所親犯也臣惶怖悚慄直欲鑽地以入
而不可得也噫青宮早虛嘉配子餘而時氣所
感厲疹為祟凡在臣僚傷愁憂慮之懷豈有窮已而
嬪宮非稱臣之地事體差輕如臣之情迹競危縮伏
田里者乃乘此會亦且奔走於候班則既有媒進之
嫌恐為傷義之歸愚迷之見不能變改致發中朝之
歎臣之罪戾雖萬殞而難贖也蓋臣嘗聞父子主恩

君臣主義子之於父承顏順志者恐傷其恩也臣之
於君去就不苟者恐乖於義也是以寇難奔問豈非
情禮之大者而古之忠臣如王蠋者未嘗赴難本
朝先輩名賢於國家吉凶大事亦多有不赴者此在
臣子量度其義理如何而處之而已近來彌文漸勝
去就甚輕有識之士竊歎已久臣恐紀綱之解弛事
體之擔閣未必在於此等事也且聖教有曰郊野
之間惟事偃便之習抱子弄孫不顧祖先之志夫義
可進則進義不可進則不進者豈非祖先之所願於
子孫者乎今之在外諸臣雖未知所秉者果合於義

而其心則各自有所守若以不進遽責以不顧祖先
則或恐王言之未免過中也況臣上奉偏母下有
諸子諸孫雖宗國之憂熏灼於一心而哺啍之樂
無減於平日臣環顧室中每自惶愧讀此下教尤
覺面頰之發赤也臣之負犯比諸臣尤為緊重而又
其職秩猥在諸臣之首則臣先伏法然後可以策勵
羣僚振肅頽綱伏乞聖明亟命有司勘臣偃蹇自
便之罪以伸王章以安私分不勝幸甚臣無任席
藁屏營之至

答曰省疏具悉卿懇卿之若是固滯于
之中夜慨歎者矣卿其安心勿辭其違

前旨宜即上
來用副至望

因賊變奔問後臨歸陳戒疏

五月初二日呈先
是四月間凶賊夜

入關中見捉親鞫
方張遂上京奔問

伏以臣於頃日榻前猝被領府事李光佐反言之斥
語意非常而殿下既不許疏辨伊後前席引罪亦
未蒙俞音而國有大變親鞫方張之日不敢更
陳情勢不得不強顏趨叅於入侍之列噫庶耻者士
夫之大防國家之四維而世道日壞大官之捐棄廉
耻未有甚於近日臣嘗慨然於此而卒又不免於躬
蹈俯仰慚歎靡所自容臣之老母所患積月彌留幸
荷聖慈曲加軫念太醫臨診珍藥繼頒不無減歎

之勢闔門銘感莫知所報矣昨得鄉信則數日前適
值亡弟死日老人悲哀過節仍復添重諸證一併俱
發臣自聞此報方寸靡定而既有限親鞫姑留之
命不敢徑歸焦迫度日今則親鞫始停臣之情勢
決難暫時強抑方此忙尋鄉路未及登對告歸情甚
缺然罪亦大矣尤切惶悚之至臣雖私情所迫忍違
聖明而當此危難之際憂國一念何敢頃刻而少弛
哉臣於前後入侍之時雖不敢參涉於訊鞫之際而
耳聞目見者無非至凶至慘之語凶謀逆節幾盡透
露所謂推戴之賊亦已現出可謂不幸中幸也既有

推戴之人則其左右輔翊圖取富貴者必不但思考
詹兩人而已而諸賊頑忍牢諱終不指告此輩不得
盡剿則來頭之憂尤有所不忍言者況道昌之居中
使喚用貨行賂專在於宮掖則 殿下宮中亦安知
果無他順貞乎思之慄然氣短骨寒近來問巷行言
以爲外人或有締結幽陰情迹詭秘者 聖明之世
豈有此事此等流播之說固不可取信而自有道昌
之事羣情皆懷疑懼 殿下果能整肅宮禁無有邪
氣干其間則此言何爲而至哉矧今諸罪人死中圖
生之計必將無所不至則尤可畏也 殿下於內外

侍御宦官宮妾雖不可先示以疑之之色使人人自危而亦宜嚴加飭勵絕去私昵之習其有交結外人貨賄相通者則許令自中發告告者施以重賞犯者斥絕而遠黜之重者加之以訊鞫則宮禁庶可肅清奸萌庶可逆折矣抑臣聞之今春以前國勢雖甚孤危居笠輶典禁旅之人以勲戚之臣爲國之誠見乎於人且能得士卒心故中外倚以爲重矣向者殿下無端易將又值變故之荐仍人心轉益危疑莫不朝夕待變云臣竊慨惜也幸殿下繼自今深戒之也朱子有言改過貴勇防患貴怯聖賢之言其意深

切 殿下其可忽哉臣身雖退歸心如焦火敢以淺

慮所及悉陳於 四聰之下倘 殿下不以人廢言

則國家幸甚答曰省疏具悉卿懇帳殿下教丁寧之

歎而思今者授章徑歸之際首尾之大臣語顯有往之疑阻

之意思雖年少之人為此職在大臣其宜鎮之而忍阻

先為此意非特為人佩弦韋而省其質卿則若是不悟愈

往愈阻非特為卿深慨殊非體國大義矣此非

卿執滯乃予誠淺寧欲無語矣○疏中殿所謂領府事

李光佐反詈之斥即前月二十五日疏中殿所謂領府事

此中親所稱帳殿下教即伊日史官廷教也伊日公入

侍親李光佐適出懋幕次上命史官召之執光佐謂

公及李光佐曰國事至無所恃者兩手執公手左執光佐

手而語之曰國事至無所恃者兩手執公手左執光佐

入府此是近年所無者雖憂虞如此心甚喜幸而但

見領府事出懋則卿入侍卿出懋則卿入侍卿出懋則

有同入侍之時而兩卿顯有齟齬兩卿不安有膜子氣象甚

不佳矣今予為國事懇懇言之齟齬兩卿不安有膜子氣象甚

自公對今日快釋聖同敎至此事何如子得其諾然後可放手矣
第臣常以爲戊申以後逆變皆由於於甲辰藥院之諱
疾心知其痛許令優游京鄉臣常感泣國有變故奔
此言誠而巳豈有立朝傲事之意乎
問效也領府事之膜子逆案卿亦披閱矣其時賊招
疑阻不過乎昨者戊申逆案卿亦披閱矣其時賊招
此豈不領府事之膜子逆案卿亦披閱矣其時賊招
有公刺客入領相家之語戊申以事後矣臣非直謂光佐
矣逆賊符同通謀而前後疑其心推原其本則皆由光
與矣逆賊符同通謀而前後疑其心推原其本則皆由光
佐矣逆賊符同通謀而前後疑其心推原其本則皆由光
予在內故以罔極之罪即當出諸金吾泥首待原任大
臣面斥臣以罔極之罪即當出諸金吾泥首待原任大
矣則上曰閔判府事先解然後領府事亦認爲凶惡之人此
則閔判府事先解然後領府事亦認爲凶惡之人此
雖曰父兄之讐所當先公後私況卿心慮殆至生國
予所知也既曰爲予而反使予因此用憲始至公病
者何也卿雖自謂義理而即今予言乃義理也公曰
義理至精至微臣之所謂義理設令誤着亦必自悟
閔文忠公奏議

卷之五

疏劄

其非然後可以仰承聖教不自知其非狹隘乎
命勉強奉承臣不能為也臣之狹隘立談之間嘗俯
今稍廣其規模何如公曰臣之責於立談之間乎
燭也變化氣質何等工夫而可死罪而有塞願乞暫
上曰臣終不可解釋耶公曰臣知也今將氣塞願乞暫
退不得卿等之諾予初不始之則已今既始之何可
子而然也若俯燭臣之所遭則可恕諒也臣本非幸耶
卿和解同做國事則朝象自遭則妥帖豈非幸耶公曰
此亦豈殿下慮之過也臣非負望之矣臣雖奉教朝
象亦豈殿下慮之過也臣非負望之矣臣雖奉教朝
不終如卿等必卿等對曰臣願出見其效卿試思之予
言矣終如卿等必卿等對曰臣願出見其效卿試思之予
誅之喪今又連卿等試觀上奉既兩東朝自變又遭東
宮之喪今又連卿等試觀上奉既兩東朝自變又遭東
安當此之時卿等何可捨我遠去今雖未能和解亦
不可同留京中耶公曰臣若此當勉留數日矣
上又曰卿亦可太忙欲限此月因留公則遭此同極
光佐曰卿亦可太忙欲限此月因留公則遭此同極
之言謂

泥首金吾卿之外無他道矣上曰是何言也若卿相
以此斥卿卿可待命而閔判府事之言素如此卿豈
不知乎切勿為之年限今朔仍留可也始放手
光佐退伏曰臣之前論斥閔某者誠出於不得已
宣可已而寅明者亦此則竄之論豈獨臣也雖然持
平緩如宋寅明者亦此則竄之論豈獨臣也雖然持
下薄謫旋一叙而臣終無一言矣上曰宋寅明則戊
申後以爲一片苦心今始覺悟而卿則無此言終不
知閔判府事心矣光佐曰人之心肚非可穿過臣
豈能知然彼若曰吾心雖不然而其事則誤吾當爲
法受罪云則可也今乃并與其理事而自是之此豈
耶若彼之所以罪臣者亦豈人理之可思及者耶
向年亦有儒疏雖未知此論出於何人而其心跡極
可疑矣始公仲子參判公爲太學掌議會多士陳疏
討逆而其論光佐罪極嚴峻光佐上召見疏頭鄭樛
斥而又參判公陳達而主張天威咫尺以成公罪也
臣亦欲有所陳達而張故欲藉此以成公罪也公曰
恐當退而陳疏矣上曰說來說去氣象不佳向來
紛爭至今爲苦今又何可起開切勿陳疏也既退公

語洪公致中曰非上教之勤懇至此若是私讐則豈
敢不勉承而此非私讐實關國家所以終不敢奉承
也洪公後以其語仰達是年八月判府上將相致上
謂大臣曰加卜非仰知重難而閔判府事終難致之
矣李領府事閔判府事實為當今領袖而大臣言公忠
使立於朝一事則自家必不欲在朝奈何大臣言公忠
誠才具過人上曰卿豈不見頃日帳殿氣象乎豈
不上來乎

論長陵遷奉疏

辛亥五月十七日
在廣州以縣道呈

伏以昨者殿下以臣方遭妻喪特命內司優致

賻物其所以愍念戚屬之舊加惠存沒之間者德
至厚也三恩至渥也渾舍驚惶闔族感泣隕首結草
猶未足以仰報死者有知亦必銜恩攢祝於冥冥
中矣拜命惶悚第有涕淚而已抑臣年來不敢以

大臣自處於國家大小事未嘗有所干涉而今此
長陵遷奉之舉關係至重苟可以毫分裨益於大事
則雖草野之賤亦且言之臣既有區區憂慨之忱何
敢有隱於 聖明之下哉茲敢冒死一言之惟 殿
下虛心澄省毋主先入焉向臣之承 命進詣 諸
陵也看審 厚陵傍穴則諸地師無不歡欣踴躍以
爲雖遍求國中必無此比臣雖素昧地術以凡眼看
之則穴後來龍有飛騰活動之勢面前諸砂無雜亂
背走之狀局內寬平關鎖緊密誠似無欠之吉地其
時同往大臣及諸堂上所見一般遂於上後崗至第

五節使諸地師節節泛鐵審看則皆曰來脉無不合
法及歸所館豐之人士多有臣親戚故舊皆來賀曰
厚陵傍穴所謂獅子項之崗自古相傳以爲 恭靖
大王有意留置而遊客之出入者勿論地師凡人莫
不稱奇今將爲國所用事蓋有待臣民舉切忭喜云
臣竊自欣幸以爲此後再審時只可裁穴封標而已
而國家大計自此定矣及聞再審之時加帶地師數
人云夫方技之流異於學問之士徒以欲上人之心
濟其逞己私之計者滔滔皆是八人同贊之地又添
他人無近於三思之惑耶區區私心固已慮之矣其

後果聞新往者敢發癸丑入脉之說云夫癸丑入脉術家之大忌凡爲地師者入山而先察者也始何八人泛鐵而曰非癸丑終焉二三人以此斷之耶况入脉之或癸或丑非如玄妙微奧之事步步泛鐵詳細審察則不假地師自可辨其虛實若以諸地師所佩之鐵緩急不一有難的知則近聞觀象監老退之官名許遠者新造地平定南之器械不用指南鐵只取日影以定南北其法極精云若以此法先定南北然後引繩而準之則癸丑之犯與不犯可以立辨矣且令諸地師之毀者譽者各著山論使之反復辨難而

後殿下親加裁擇則亦可辨彼此是非矣今人多以爲勿論虛實癸丑二字旣出於名爲地師者之口則此何等大事而更議其用乎臣愚竊恐此是不通之論也今有人若曰稻粱膾炙是傷人之物則爲臣子者其可以旣有此言不敢以進御於君父乎況以恭靖大王平日至德推之則流傳之說不爲無據當時無學豈不知癸丑之爲拘忌耶且伏聞地師馬翼龍者敢以不忍聞至凶之說陳達於榻前云渠之癸丑二字亦足以售其忤忌之心而又安敢以此等凶言恐動天聰乎昔朱子山陵議狀請斥去臺史荆

大聲置之法臣亦謂翼龍不可不置之於法 厚陵
傍穴不可不更議也昨伏聞 神穴已定於交河邑
治之後此地吉凶臣雖未知而諸人多贊則可知其
爲吉地固當攢賀之不暇而第臣曾聞已亥 孝廟
大喪時 新陵定於水原邑治功役已始而先正臣
宋時烈上劄日子之事親養志爲大苟以爲大則存
沒何異哉 大行大王至仁徧普無物不在所愛水
原七千甲兵之所在也今者撤其邑里破其田產使
之咨嗟恨歎者必非 大行大王之志也今所以擇
吉而葬 先王者乃所以葬之愁怨之域而所以求

先王體魄之安者乃所以大傷先王之志也殿
下誠孝其忍爲此乎劄入顯廟大感悟卽命輟役
先正忠愛之誠顯廟轉圜之量于今稱道之不衰
今交河小縣也旣無七千甲兵則比之水原輕重有
別然而撤其邑里破其田產咨嗟恨歎者必至累百
人則亦豈不有傷於先王愛民之志乎使先正而
生於今日則必將以顯廟之誠孝望我殿下
殿下豈不可以顯廟之事自勉乎抑臣賤見厚
陵傍穴終以爲不可用則今日新陵之卜恐無愈
於舊寧陵蓋貴賤間窆葬之禮只憑術士之言而

不知地中之如何此孝子慈孫所以終身抱憂疑而
不能釋也今舊寧陵則當癸丑破陵之時氣出
如蒸土性溫潤諸臣無不手握壙土而嗟惜不已壙
中潔淨無欠之狀備悉於都監狀啓具載於謄錄可
考而知也旣知地中之潔淨無欠而且是先陵傍
穴則不必借術於地師而可占其吉就此而奉遷
長陵豈不允合於神理人情而在殿下孝思獨無
校乎己亥先正之劄亦曰故相臣李恒福文集中故
地師無學李懿信朴尚義三人所論皆以健元陵
爲最吉則今日諸地官百十輩雖竭其技術而求之

豈能得其勝此者哉願於健元諸崗擇其最優以
定神穴則事理得宜天人合應矣其時舊寧陵
之定用蓋本於此今之地師又下於己亥則恐不可
捨此而他求也臣聞殿下曾以舊寧陵填築不
固今不可用爲教而臣曾見癸丑遷陵謄錄則
遷陵之後別定堂郎監董填築役處形止連續啓
聞而所用役夫多至累百名其時處事之詳密如此
則必無不能堅築之理臣恐聖慮之或過也伏乞
聖明下臣此疏於都監使之更加商確俾大事無憾
邦命丕續則實宗社臣民無疆之休也臣愚忠所

激竭盡底蘊而狂妄僭率其罪大矣亦宜 亟命有

司勘正其罪以為妄言者之戒公私幸甚臣無任瞻

天望 聖激切屏營之至 遷答曰省疏具悉卿懇今茲

于者豈不盡心於此乎凡定山規初看審後其於

再審也率往他地師古例斑斑况近百年園寢遷

奉者乎再看審仍為裁穴之說非特古無卿疏亦未

免未詳前例矣此等雜技蓋務勝為先而一倡之

眾皆同然予所不取矣其於至重至大之事何若此

翼龍日後此等再審為堪輿者其將苟同為先若此

何用數人何為再審乎舊遷奉陵雖云無欠遷奉近

百年園寢又奉於癸丑遷奉陵之地今日臣子之心

其將安乎末安乎卿思無乃率爾歟健元陵內雖

有餘尚無學所定今無明知的見只憑地師之言豈

曰此乃無學所定今無明知的見只憑地師之言豈

正疏割乃裕既不得已當此時先正必無此論

尚餘處有裕既不得已當此時先正必無此論

閣文忠公奏議 卷之五 疏割 十四

勿祖決不從焉卿其安心
辭亦勿過自引咎焉

辭實錄廳論賞疏

七月初一日呈時

肅廟實錄總裁官特

賜鞍具
馬一匹

伏以日月迅邁

敬微殿練事倏焉已過今日又行

朔祭臣民號慕益復罔極而仰惟殿下慨然靡逮

之痛尤何以自抑前後薦獻之禮輒皆親行當此

酷熱不瑕有傷損之節耶區區憂慮之忱只望勉自

愛護以副羣下之望而已臣於日者幸蒙恩許歸

葬妻喪纔見掩土旋即復路獲叅練日哭班及朔

朝陪祭而奔走之際離違親側已過一望老母自

遭喪戚以後委頓床席長事呻吟昨聞日間爲暑濕
所惱感傷不輕食飲全廢臣之情理有難一日淹滯
今方忙急還鄉敢留一疏徑出國門不勝惶悚之至
抑臣伏見日昨備忘記臣名亦入於實錄廳論賞
之中臣誠驚恠惶惑彌日而不自定也向臣忝叨摠
裁之任幾周一年時時赴坐繙閱纂述文字雖不及
遍覽首尾亦不覺其有大段差謬處矣其後伏聞新
入諸堂以其所纂文字不稱其意仍請別作冊子名
曰補闕正誤云臣職忝摠裁其所以追報先王者
只在於記述功德而乃反任其闕誤而莫之省悟則

其罪輕重當如何也蓋嘗一陳待罪之意於去年登
對時自是之後雖不敢復事煩浼而若其悚慙危怖
之心何嘗一日而少弛哉雖蒙 聖度天大不欲追
勘其罪而乃反以此論賞則豈非顛倒乖舛之甚乎
國家立紀綱服人心之道唯在於信賞必罰苟或當
罪而反賞則紀綱何以立而人心何以服乎在臣私
義亦何敢以罪爲功晏然冒受以貽千萬古譏笑於
聖明之朝哉伏乞 聖明亟收臣鞍具馬之賜俾賞
典無舛賤分得安則公私不勝幸甚臣之此言實出
片片赤心惟 殿下勿視以備禮例讓而俯加體諒

馬臣無任屏營祈懇之至

答曰省疏具悉卿懇聞卿

甚慰焉觀卿疏知卿復路缺然曷論所

賜賞典不空過讓卿其安心勿辭領受

辭食物周急疏

壬子三月二十八日呈

伏以即者州吏來傳朝命致以周急之資物其多矣
恩至渥也閭里聳觀闔門驚惶臣以首頓地且感且
惑誠不知所以自措也念臣庸陋愚妄事君無狀向
年所被罪名無非覆載難容之目雖蒙聖慈天覆
以苦心二字洞加昭釋而為人臣子者一聞此罔極
之言何敢更舉面目於斯世乎祗緣忝在戚臣不敢
自外每值國有事故輒復冒沒入朝少伸私義而外



此豈復有一毫世念乎矧且近日目見國勢孤危人心靡定飢荒孔慘大命近止憂心如焚繞壁涕泣唯有尚寐之願實無生世之心而猶且仰哺官糶百口獲保每聞保抱携持之狀委骨溝壑之報則輒爲之食不下咽面有慚色今此食物之命反與他大臣混被寵錫其所以愍勞惠養者德意至厚寧不感泣而臣之蹤迹既不可冒叨大臣恩例且念人飢我飽人瘠我肥苟有仁心者豈敢自安於心乎古人云願賜一國之飢者寒者正說出臣今日之心也伏况周急二字出自孟子其言曰朝不食夕不食飢

餓不能出門戶君聞之曰吾大者不能行其道又不
能從其言也使飢餓於我土地吾耻之周之亦可受
也免死而已矣以此觀之苟不至於餓不出門則不
可謂之急而為君者不必周也為士者亦不可冒受
也今臣雖貧一日兩炊猶不至廢闕則何可與餓不
出門者比而同之而違背聖訓晏然承受也哉伏乞
聖慈諒臣至懇收回 成命俾 恩典不僭賤分獲
安則公私不勝幸甚臣無任屏營祈懇之至

答曰省
疏具悉

卿懇今茲所命乃敬大臣
也卿其安心勿辭領受焉

論

景廟行狀疏宣

閔文忠公奏議

卷之五

月十七日呈先
是公為參
疏劄
大妃大祥赴闕
上命

十七

引見公達曰臣后得見豫時景廟行狀印本臣中
一欵亦入侍顯王后發景廟永訣之教而臣
鎮厚憾容及出戶外景廟執篤手而流涕
不露憾是聖母則以每以證候彌留意痛難堪如
云其時願速臣化未嘗見有但入侍至二三次
教耶且其時或以兄弟承得有命入侍多獨此事
而臣兄則或臣以故不同入之平時果有此則
臣有兄不侍而臣以故不同入之平時果有此則
豈則此知載理且不以有聖母之入之平時果有此則
之時嘗舉對景廟至下行誦之歎耶當平日聖母違豫之言
戌春不入對為殿下行誦之歎耶當平日聖母違豫之言
湮沒不傳故敢此仰達錄殿臣死則此等事將至
事空錄於行狀而史官若實載日則此等事將至
竊慨然也當今知臣行狀所載之若實載日則此等事將至
之觀者自當知臣行狀所載之若實載日則此等事將至
仰達爽誤卿所撰謂後人亦自當知所聞而說好矣何行

狀撰進人李德壽以為此事故府使李熙疇聞於公之弟縣監公遂以此陳疏自列曰今大臣亦當日侍重臣之弟也同是重臣之弟而其言不同莫曉其故也公遂上此疏辨之而

伏以我 殿下三年之制甫畢親祔 太廟既伸慨
廓之情祗謁 明陵更展霜露之感式禮罔愆 孝
思克忉而 聖躬積勞庶無疾歟慶忤之餘憂慮實
深念臣以田野屏蟄之蹤衰老癯殘之賤既不得陪
扈清蹕追躡屬車之塵又不得曳出路左自效迎送
之節闕禮廢義罪實難逃乞伏刑章以肅朝綱抑臣
有私義之萬萬不安者而重煩文字有若與人較辨
者然實涉惶恐故擬於早晚登對時一陳委折矣今

則登對有未易期而關係重大亦不敢終默惟聖
明恕察焉向臣於筵中敢陳景廟行狀中所錄一
條爽誤之由矣其後得伏見司直李德壽之疏則以
臣亡弟證之而結之曰大臣亦當日入侍重臣之弟
同是重臣弟而其言不同顯有致訝之意臣不勝駭
歎之至蓋在庚辰辛巳仁顯聖母違豫之日肅
廟命臣兄及臣入侍診候日至數次而臣弟則其時
年纔及冠未嘗一叅於入侍之列凡聖母下教之
事景廟侍湯之節渠何能知之臣等退出之時每
相與感歎景廟誠孝之出天渠在傍聞之豈無一

二可道者而至於臣等所不聞見之事萬無傳說之
理彼聽者雖或推演相傳亦何以全然爽誤如此也
今則臣弟及李熙疇皆已作故於何徵信乎夫景
廟聖德可傳於後世者多矣雖以臣之前後所奏達
者言之乙巳袖劄中已陳其大節而至於庚戌春筵
奏尤爲詳悉其言有曰庚辛侍疾時聖母下教
曰世子天性至孝朝夕不離予側愛敬此身有過於
私親其往省私親也亦必告予不敢自擅自予病後
若值添重之日則亦不敢告予往省予覺其然必使
之往省然後始往聞其私親或與之附耳密語雖未

知所言之何事而世子輒默然不應以此至被毆打
涕泣而歸尤爲可愛可矜云其孝行之純篤如此
其善處人倫之變又如此 景廟冲年盛德知之詳
者莫臣若也而今臣老病將死臣死則此事 殿下
孰從而聞之事涉內間雖極惶恐而冒死仰達矣又
敢以 景廟御製加足帝腹論手草者進之曰是時
景廟春秋十三歲而非但文理瞻暢命意措辭之際
義理正當人君待下之禮士子自守之道說盡十分
道理可見其時 聖學已臻高明而後王後臣所宜
服膺而體行者也 殿下遂下追慕益切之教凡此

所陳無非至行懿德而行狀中不少槩見只錄此
爽誤之一言臣竊痛泣焉彼宰臣雖與臣分踈臣以
當時入侍之人至今生存則其間事實何難於一問
而只憑塗聽之言容易寫出及臣言其爽誤則乃反
置之疑信之間臣實莫曉其意也嗚呼先王狀德
之文至嚴至重不容一毫差爽况語涉聖母尤宜
致謹臣明知其非實而顧念謹畏初不能直請刪正
至於向年筵奏似若無關於此事而又敢申告不已
者蓋竊傷先王盛德因以泯沒無傳而所傳者爽
誤之言也臣情亦戚矣且臣輒有私懇須至申聞者

臣之父母墳山久曠展省人子追慕之至情有不能
自抑又念犬馬之齒明年恰滿七袞袞朽日甚死期
已迫臣之祖先丘墓多在湖西諸郡仍欲轉往遍省
以伸永訣之情而老敗筋力勢難趲程必將處處留
滯計其往返當費數朔臣於春間登對時猥陳私悃
已蒙 聖上之俯許而連因公私事故尚未成行其
間已過半年今不敢無端行動敢此附陳以替陛辭
事涉煩猥尤增惶悚臣無任屏營祈懇之至答曰省
具悉

卿懇者
附禮已過
祇謁纔行
感懷深追
慕益切茲
事頃者
筵中既已
下教下必
若此疏末
所請曾已
許者卿其
安心往省
焉疏中所
陳景廟盛
孝而事係
內教往者
筵中所達
想必記事
原疏留中
焉仍傳

日給由馬澆
莫床備給

乞致仕疏

癸丑正月
初二日呈

伏以三陽回泰萬品昭蘇仰惟 殿下體天行道對
時育物 聖德與歲俱新 聖澤與物同春措疲氓
於衽席之上奠國勢於磐石之固臣跼伏畎畝瞻望
象魏微衷自激寸心懸結日與村翁野老共效華封
之祝而已臣於去秋猥荷 殊私往省畿湖諸先壠
薦以 恩莫榮動泉塗為調病軀處處留滯歷四朔
始歸而又以所居村落孤危有難仍住將母移次於
江郊近京之地冷寓荒落隨分支遣矣乃蒙 聖慈

曲加矜念食物題給之命遽下於臣母母子相對
感泣罔極如臣無似屏蟄郊野朝暮將死曾無一毫
裨益於聖朝而乃於八路大飢塗茅相枕之日偏
厚臣家恩賜使蕃臣獨何心敢安於此闔門頌祝
第增惶蹙臣衰老癯瘠又添寒感既不得趨叅賀正
之班又不得躬謝錫類之恩慢蹇之罪自知難追
只自席藁待勘而已抑臣竊念臣之向年所被罪名
無非覆載難容之目苟非殿下偏護而曲全之臣
之無此身蓋已久矣其得全軀命於萬死之中偃息
田野飲啄自如者揆以賤分實踰始望而殿下乃

復牽復舊秩欲置之朝班顧臣生全猶幸况敢萌影
纓結綬之念乎祗擬一肅天陛少伸叩謝之忱退
填溝壑以全自靖之義矣殿下遽乃引入賜對諄
諄誨諭曰優游京鄉任便去來國有故則來欲見而
召之則來繼又以鄉居僻遠使之進住近郊竊揣
殿下之所以待之如此者蓋出於曲軫保全之道但
責以戚臣之義以安賤臣之心也臣於斯命義不
敢辭恩深肉骨感結心肝只得遵依聖教乍往
乍來或入筵對或參祭班以少效戚臣之賤誠而自
念人臣既得罔測之罪目負此難濯之釁累何以舉



顏於清朝搢紳之間耶是以每當束帶赴闕逢人駢
顏撫躬自悼而况雖無任職與政之事問其秩則曰
大匡也稱其號則曰大臣也臣雖庸陋亦有一端羞
惡之情夫豈頃刻可安於心乎唯是年紀衰邁去死
不遠若能捱到七旬則禮有大防國有常典大匡之
秩大臣之稱自可掉脫未死可以安分既死可以瞑
目戚臣朝賀之禮亦可依前不廢日夜祈望唯在於
此去歲以來屈指計日以冀此願之一伸矣今則歲
已改矣年已至矣雖在朝而供仕者年至則致事自
是經常之大法苟非進退係國家安危者則朝家未

嘗不許況如臣者田野間一散人也徒縻職秩未嘗
與聞於朝政有之無所益無之無所損其進退去來
真同江湖之一鳥鴈 殿下必不待臣言之畢而即
許之矣然非臣自鳴則 殿下亦何由俯諒耶茲敢
悉暴肝膈於 四聰之下伏乞 聖明稽諸禮經參
之國典矜愍老物 特許休致上以全禮使之義下
以遂義退之願臣生當隕首死當結草他日歸拜
先王亦庶幾有所自獻而無愧於心矣臣無任望

天攢手涕泣祈祝之至

答曰省疏具悉卿懇昨聞右

欣慰而亦不無慨然于卿者府夫人之齡既高卿年
且老江外雖便豈如城裏今者食物之賜其可已乎

疏中休致之
請決不許矣

癸丑袖劄之公批上略致仕疏後十六日無他上答藥院

矣所崇者何時象是也面諭筵席之大臣無端

決去大臣國之股肱而此心未孚夫復何諭自

首左揆去世怪鬼輩垂君父孤立欲售舊習景

象不佳朝著莫拾豈不因酬應之煩受困於時象

諸醫深望於諸臣近且之藥議藥二字更勿以

氣不聞如前決不服苟且之藥議藥二字更勿以

聞公聞此命因教惶恐入城待與判府事李公宜

勿待公聞此命因教惶恐入城待與判府事李公宜

顯及藥房諸臣入侍即李光佐也翌曉命公來

後當有教也領府事即李光佐也翌曉命公來

與光佐同為入侍言者卿等可聽而不當泄左

右中官曰予有欲言者卿等可聽而不當泄左

右史則無遺細記而注書則停筆不記可也

上遂縷縷下教無慮數千言而注書停筆不記

故外人不得知此所謂十九日既筵說也致此

公及光佐俱留城中公對以九日既筵說也致此

蒙許則當如聖教矣上即許之光佐亦請
休致上並許之徐命均宋寅明皆言其不可
上曰後數日又頒下同手書略曰許休特優禮之
意也逆大悟前非惟才引進使手書略曰許休特優禮之
固是不悟前非大義也公進詣闕謝百年上特賜
御製絕句進箋以謝末有曰衛我凜然之初一日
國過數日進箋以謝末有曰衛我凜然之初一日
詣闕問安對入侍曰哀朽賤臣屢承扶湖
宗社之朔教而請對入侍曰哀朽賤臣屢承扶湖
南有掛書天之變人心所洵云臣晝思夜度寢食
靡安究得天理之人心所洵云臣晝思夜度寢食
陳達者而神昏語謚謹以進
字記錄以來遜袖此劄以進

伏以臣於前月休致準許之日教曰扶我宗社

其後手書又教曰使我三百年宗社永固又其

後親賜御製詩跋有曰衛我凜然之宗國其所

以責勉老臣者一節深於一節以臣衰耗庸陋職秩
雖解擔負益重受命以來夙夜懍惕殆不知此身
之所在也竊嘗反復以思聖意蓋曰諸黨皆有亂
逆彼固亂逆也此亦亂逆也何可以我之逆而議人
之逆乎唯當兩忘色目共濟國事可也然臣愚賤之
見於此竊有所疑惑焉夫人臣之惡莫大於亂逆凡
爲逆者必先懲討之掃除之曰某某逆狀如此昭示
中外而取其不染於亂逆者勿論色目隨才甄叙布
列朝廷使之展布心膂然後彛倫明而治功成矣今
者泛教曰諸黨俱有逆而唯事掩護秘諱只責諸

臣以頓忘色目意諸臣豈皆以色目之故而意在護
逆不欲事我 殿下裁竊恐 殿下未及深燭諸臣
之心事也至於老論之爲亂逆臣仰聆十九夜 聖
教似指德修籍重於大臣以臣擇君之說有所恐動
也其恐動之說固甚悖亂而蓋欲 殿下之黽勉俯
循以冀建 儲之速成有此籍重恐動之舉究其本
情則亦與鏡虎輩懸殊况被其籍重之人亦且歸之
於亂逆寧不冤哉又况其夜筵說不許宣洩外人莫
有聞知而 手書之教至曰本非爲 三宗血脉所
謂苟患失之無所不至者其本實由乎庚子 國恤

之日遠近聽聞莫不以此指建 儲時諸臣其爲

惶惑錯愕當復如何臣以建 儲時同事之人震悚

靡容乃敢陳暴於前席既承勿待 命之 教又因

臣細陳其時委折德修藉重之狀亦幸俯燭而 手

書之教猶存人心之訝鬱危懼至今未已也 聖教

又以唯才引進勉臣臣於此 教實有所極難處者

臣於頃日敢陳諸臣不仕之義則 上教乃曰科曰

中同入者何如也既未超乎科曰中則與顯招中諸

賊比肩有何不可乎若是則諸臣雖欲出而應 命

決非臣子分義之所敢出也夫諸臣之不進者實有

所執一曰君誣未雪也一曰亂賊未討也噫殿

下之以諸臣謂之逆黨者豈非以德修之故歟色目
一分人無得免諸臣之於德修色目旣同則殿下
之疑以同一科曰者想由於此而此有甚不然者在
昔器遠自點皆有色目而其同情者謂之逆黨而已
未嘗聞舉一邊而通謂之逆也德修設有逆節諸臣
豈皆爲逆黨乎况德修之尚在逆案以虎龍之誣告
也虎龍之誣德修意在誣殿下也誣殿下所以
危宗社也欲誣殿下以危宗社則乃以干涉
於建儲者目之爲逆勒捧結案鍛鍊成獄此則虎



龍一鏡之所以爲逆而國人之所共知也今乃不究
其實迹而一依虎龍之言混置之於逆律則是以虎
龍之言爲實然也虎龍之言旣實則虎龍又何爲而
爲逆哉今以虎龍之言歸德修於逆以德修之故驅
諸臣於逆黨則天下寧有是也 殿下徒惡德修輩
之無狀且以事關自己爲嫌一任時議之所爲而爲
殿下臣子者晏然越視不思所以辨白之則他日尚
論者其以今日臣子爲有臣節也哉此又不足言若
又以 殿下之仍存逆案諸臣之不爲辨白而不能
無一分惑志於千載之下則臣等雖欲剗心刺腹爲

殿下明之其可得乎夫為國之道當論大體庚辛間
國勢危急之狀何待臣言之哉苟非建儲一着則
儉鏡之肆為凶逆何所不至而殿下安得以自全
哉臣於尚儉變出之後亦悔先見之不及於李晚成

矣

前月初六日景公詣闕肅謝承命入侍陳辛丑建

嗣

庚子國恤初諸臣聚首憂迫皆以速請建儲

為

宜臣獨曰上初諸臣聚首憂迫皆以速請建儲

知

之中今上春秋方鼎盛即此吾輩雖知之中外豈盡

則

中外之疑惑必矣今當竭誠協輔以待三年喪畢

然

後合辭建請恐為穩當金昌集曰此言極是今日

弟

只可慮遂固守臣議終不撓動故判書李晚成見

有

何責其遲緩曰此何等意當時儲位捨殿下

臣

輒責其遲緩曰此何等意當時儲位捨殿下

時

而固守常格如是云

閱

文忠公奏議卷之五疏劄

二

王

其誰而此非私 殿下也乃所以爲 宗社也設有

一二私意參錯於其間者既是 宗社之大計則其

貪天爲功雖若可罪而非罪也彼百般誣逼危動

聖躬者則皆 宗社之罪人也以此兩段明白剖判

大明義理然後始曰此雖有功於 宗社某人某事

則未善也彼雖得罪於 宗社某人某事則可恕也

云爾則是非定而功罪當夫豈若是之勢勢哉今

殿下於義理源頭未能確守而繳繞於枝葉之間雖

知建 儲之光明正大而又以建 儲諸臣爲有罪

雖知鏡虎諸賊爲 宗社之罪人而以其被誣見殺

者亦謂之逆摘其細過而傷於大體者每每如此臣
實爲之痛歎也至於聯劄之不可爲罪 殿下已洞
燭而屢言之矣而李健命趙泰采雖已復官猶削其
謚則便同罪名之自在李順命則 殿下每謂已知
其忠赤又謂之徐當復官而至今遷就尚在丹書若
金昌集則 殿下亦已明教其有爲國之誠且其只
爲三宗血脉而非有他者亦已洞悉而乃以一事
可疑不可復官爲 教其可疑者則又不肯發說欲
待後日臣未知 殿下所以爲罪於三臣者何事致
疑於昌集者何事而苟有所疑何不明言其故使廷

臣曉然知之各陳其有罪無罪然後 殿下從而舒
究其情而處之若其有罪則彼雖 先朝大臣何可
曲貸若其無罪則蓄疑不發辨明無日在昌集豈不
可究而國家刑政亦豈不大舛乎今日時論亦多言
聯劄之不可罪者是豈有容護諸臣之意哉苟欲臣
事 殿下則其分義事理有不可不如此故也然則
諸臣之抱冤 聖誣之未雪自爲一串事而不可分
別論者據此亦可知也夫如是故在外諸臣莫不曰
君誣未雪則義不可立朝作爲秉執之義理一向退
處無意從宦 殿下雖勞心費力百計攬掇舉措辭

令之間不勝其未安而旣不能開其可進之路則終
不可致之朝廷間雖迫於分義暫出而應命是將
牛維馬繫抑鬱無聊在固無意於謀國終亦必去而
後已如此則徒使聖心煩惱而已顧何益於國事
哉且傳曰鄙夫可與事君也哉鄙夫之不可與事君
者以其畢竟將或至於弑父與君故也彼固未然之
事而君子猶欲察其幾而不與之同朝或恐其凶國
而免已況此弼顯招辭弘彥冊子之所云云者皆是
通謀同情於稱兵犯闕之事者也此何等凶逆大戢
而可與之事君哉諸臣之不欲與此輩周旋於班行

之間者是亦天理人情之所必然也 殿下若教之
曰弼顯臨刑而有此招弘彥塗聽而爲此冊有不足
準信何可據此而盡誅一邊許多人哉況其中或有
橫罹者則顯彥已死何以自辨必將有多濫之悔故
吾已付之火矣諸臣之無所摸捉而不欲同朝者未
免太過云則容或可也今乃曰汝亦逆之黨也彼亦
逆之黨也以是而迫令從仕此豈體羣臣使以禮之
道哉 殿下之意不過調劑彼此並舉互對要以鉗
人口息爭端而旣曰逆黨而反寵用之引進之當之
者覲然無愧聽之者認爲尋常一世之人將不知亂

逆之爲可惡其爲世道之害可勝言哉 殿下每以

建儲事自嫌故不以義理爲重而先以公平爲務

所以爲公平者反又積下私意卒之拖引彼此至謂

俱是亂逆夫逆者天下之惡也彼逆則此不可爲逆

此逆則彼不可爲逆何可囿圖捏合無所區別而又

輒加之於人人乎 殿下之若是自嫌者臣誠愚昧

莫曉其故夫帝王家與閭巷匹庶有間苟係 宗社

利害則不可以自己小嫌而袖手傍觀矣尚儉之自

初爲國家腹心之患者外廷諸臣皆漠然不知而

殿下則已知之深矣尚儉所憚亦惟 殿下在耳尚

儉之心何嘗頃刻而忘 殿下哉若使尚儉得行其
計於 儲位未正之前而仍及於甲辰 天崩之變
則三百年 宗社其將付之何人耶于斯時也 三
宗血脉凜如一髮禍變之作迫在呼吸 殿下何可
嫌於形迹恣然退坐乎苟如是則乃匹夫之諒耳又
安足尚乎 殿下一人之外既無可以勘此難紓此
急者則人雖曰 殿下有欲求 儲位之心非 殿
下之可嫌也人雖曰建 儲之諸臣有私於 殿下
非諸臣之所病也今乃不當嫌而過嫌惟恐其不能
自脫於人言有若真有可嫌之事存於其間本領既

誤亂賊增氣

聖誣日深凶言日肆由是而生出許

多逆賊由是而釀成無限變亂以至諸臣引退而無
濟濟之羨國勢孤危而有凜凜之憂此正孔子所謂
名不正則言不順事不成而禮樂刑政無所措者也
聖人豈欺我哉臣老而不死屢閱變故憂虞轉棘世
念都灰豈敢有一毫好勝之意護黨之計游辭飾詐
以誣聖聰哉殿下試用臣言下問於廷臣曰
壬寅之獄以人情事理推之是真有三手之凶謀者
耶抑爲鏡虎之所誣陷耶苟曰鏡虎之誣陷則置之
逆籍寃乎否乎一劄聯參者其屈伸榮辱可同乎異

乎壬寅之獄非究而黜劄之人可罪則以鏡虎之言
爲不誣耶爲今日臣子而引以爲君誣必欲辨明
之者是黨論之所蔽耶抑道理之當然耶如是反復
博詢廣議若皆以臣爲無狀則臣何敢自逭於黨逆
之律乎倘或姑依臣言悉去壬寅逆籍悉復四相臣
爵諡以伸諸臣所謂義理者以開其可進之路然後
責諭諸臣使與不染於鏡夢輩惡逆者比肩接武同
心戮力則孰敢逡巡觀望不卽應命哉殿下所
勉於臣者至爲懇篤而臣實無以堪承思惟一分報
稱之圖只有引進諸臣以張國勢而此義不明則是

猶欲其入而閉之門也茲敢悉暴其所懷如此惟

殿下深留

聖意焉臣之頃年所進袖劄初非有秘

諱之意只冀

殿下從容繙閱深思義理而善處之

而已不料以此反被罔極之言向微

日月之明父

母之慈臣安得保有今日哉生死肉骨之

恩天高

地厚非臣隕結所可仰酬其萬一矣今乃不懲前事

又此袖進臣亦自知其愚妄而區區憂愛之惓不能

自己倘於清燕之暇平心熟覽因又出示於大臣諸

臣入侍之際與之消詳講究以賜

處分則其於收

聚羣材扶衛

宗國之道或不無一分之益也

上覽訖答

教縷縷而大略以爲十九日許休固知聽聞之爲駭
而予意則有在矣難化者九氣質而後意則應有甚樣
卿病痛終未易改矣此實由保之教後意卿應有甚樣
說話者觀之必將大駭而予慶選知卿誤入而無他陳自
疑子亦爲之慨然也承旨嚴慶選翰林趙榮國等請
以袖劄出示外廷上也命盡復四只令翰林趙榮國等請
沒後四年庚申上特命盡復四只令翰林趙榮國等請
復諡又十年乙亥逆獄復起一大臣官爵追命
鳳輝等諸賊孥籍上皆復允從光佐人乃請秦者
奪遂命撰修闡義昭鑑書既成傳曰故閱奉朝
賀再次袖劄今番闡義之日丹忠可知特爲遣承旨
致祭遂親製祭文而下之意有曰登建袖劄斷忠
赤何莫仲長夜漠漠豈覺其蹶衰卿
成義乃快晰靜夜思卿不覺其蹶衰卿
忠義乃快晰靜夜思卿不覺其蹶衰卿

擬陳戒疏是年七月公仲子參判公以副修撰

答公教子上上疏光佐罪公仲子參判公以副修撰
郊侯謹教子上上疏光佐罪公仲子參判公以副修撰
上上疏光佐罪公仲子參判公以副修撰

候不平遂入城因留冬乞暇往省驪州先山還到廣州草此疏將上終爲情勢所拘不敢進

伏以臣蒙被體下之恩歷省先代丘墓加賜奠具

俾澆泉壠感結幽明莫知所報臣於在途之日伏聞聖候未寧連試湯劑臣驚憂焦灼亟欲進詣京輦頻承起居而行役之餘宿疾添劇滯留畿甸無計前進撫躬自悼尚何言哉仍伏念殿下春秋方盛而疾患頻數多用補劑元氣之不充蓋可知矣夫元氣者一身之本根也元氣弱則六氣易襲元氣壯則外邪自退是以深於醫者不觀疾勢之輕重而觀元氣之衰盛元氣之不可不扶也如此然不浚其源培其本

而只責於區區藥餌則所謂扶元之劑多屬溫燥客
火易盛而真元反傷故人之元氣不足而多用補劑
者始若有效終必爲害臣年老多病屢驗於人而輒
見如此矣今日爲 殿下深憂永念者庸有極哉臣
雖無似其愛君憂國之衷則根於秉彝每念國勢之
孤危中夜無寐至於隕涕雖 聖體康豫百度無闕
猶不勝其憂虞况此百僚焦慮之日苟有所懷其敢
自阻哉臣竊覲 殿下卽位以來未聞有聲色嗜好
可以戕伐元氣而今日 證候乃反如是臣實莫曉
然考之平日辭令之間而驗其所崇則豈非以心氣

過用而火熱易升歟 殿下常於一二細事不如意輒曰使予添病夫事自事病自病事不如意則病以之添者何爲而然哉 殿下旣自言之亦嘗究其所以然乎蓋百病之根系於心而心之位則火也火之爲物也挑之則愈盛而愈熇按之則愈蘊而愈光是以不治其心而唯惡物之逆乎心則物不可以終齊而火之盛也愈甚元氣之傷疾病之添勢所必然也善治心者不然常提此心如日之升勿論事之順逆唯觀理之是非是者從之非者違之是非從違之際物各付物而吾無所與則天下之事紛綸輻輳者率

歸於吾之度內而動必徯志矣何有役心於區區細
事而自損榮衛以貽無窮之害哉程子曰人於可喜
可怒之事自家着一分陪奉他其亦勞矣又曰不以
天下萬物撓己己立後自能了得天下萬物夫陪奉
之勞已立之效其得失高下果何如哉且夫人之於
事順乎心者常少逆乎心者常多是以古人有言曰
天下不如意事十常八九如使人事事皆順乎心則
豈不快適哉然此必無之理也事不可以皆順而逆
必至於有怒則將不勝其怒矣自後世觀乎堯舜之
世則在上者端拱而無爲在下者奔走而率職最爲

至順而無逆然考觀其時事迹則其難處之端可虞之勢蓋已多矣豈如今日朝廷一二臣子小小進退也然而堯舜未嘗發一怒焉未嘗添一疾焉處置大事泯然無迹朝有和平之福身享期頤之壽此無他以理應事而不以己參焉耳殿下何不廓然大公恢然疏達物來而順應之以成堯舜之治乃反自小自勞以至於有忿懣忿懣之極而至於動客火客火之升而至於傷元氣歟臣實慨然焉顧今天時正屬一陽之復先王所以必於是時閉門關絕商旅者非苟爲之也蓋實有其理故以實心行實事也卽是推

之則王者一念一事實與天地之氣流通無間其敢
曰隱奧微細而不加省哉夫公者陽之屬而私者陰
之屬也喜者陽之屬而怒者陰之屬也 殿下誠自
今日體天對時常使一心公平和樂私意不牽而忿
懣自絕則其於安靜養陽之道齋戒掩身之義得矣
所謂浚源培本者實在於此其與自傷元氣而責效
於陳根腐草者相去豈不萬萬哉臣既不能進身楓
陛以獻嵩岡之祝敢以是說貢其愚忠伏願 殿下
澄省焉臣狹陋無取屢發狂言而未蒙採納亦可以
止矣寸心耿耿不能自己又犯妄言之戒其亦不量

之甚矣然今所陳雖迂濶陳腐所援者先儒之說所竭者斷斷之忠唯 殿下勿以人廢言千萬幸甚

擬進獻芹錄劄

公嘗手抄朱書語切於時病者作一冊子末附古名臣論儲嗣

事名曰獻芹錄將上之是年十二月十二日史官李鼎輔來宣求言之聖旨令作冊子書進所懷公遂欲以獻芹錄附進公甥陶菴李公以為今日舅氏情迹決非可言之時以書力止之果上不

伏以臣以庸愚賤品歷事 三朝濫蒙 洪造致位

台司到今年至謝事朝夕且死回顧平生無一事仰

報 隆私蓋臣既無抱負之可展又無才猷之可效

區區衷赤只願隨事納忠有懷無隱以少效臣子之

節而亨未盈缶智昧自牖且其平日所嘗講明者與
今日 殿下之所秉執者不啻如枘鑿之不合以故
言出而輒拂 聖心雖自信其出於至誠而未獲孚
感每煩 誨責居常慚惶食息靡安抑念未信而諫
古人所戒不可則止聖訓孔昭年來一味緘默唯以
括囊無咎爲自靖之計外此更無餘念第伏見國勢
日益艱危民生日益困瘁究其病源實在於 殿下
之一心而臣以廟堂舊物有若越視秦瘠抱茲耿耿
不一陳暴則將無以歸拜我 先王於地下撫躬悲
悼唯有涕泣顧臣性質狂率言語愚妄而學識空疎

誠意淺薄其不能見信於君父理勢固然而若稽
宣廟朝儒臣柳希春採摭古聖賢之嘉言要旨作爲
冊子名曰獻芹錄而進之今臣若依古人已行之例
收錄前言之最切於今日聖德時務者而上聞則
其言非臣謏聞陋識之比而殿下之視之也亦必
不至於厭苦而卑鄙之若或有反顧警惕之念則其
爲國家之福必不淺歟豈不愈於親自進言者乎然
聖經賢傳名臣奏議其書浩瀚以臣衰耗之精力旣
難博考而遍搜殿下於萬幾至煩之中亦恐無以
一一潛玩矣竊觀朱子書節要一部至爲要切其與

知舊門人問答無非所以察病下藥者明白懇惻最
易感發善讀此者雖於千百世之後真若親受鍼砭
其利甚博且酌海所載章奏等諸文字及名臣碑誌
中亦多嘉言至論之可以表出者臣敢就此二書撮
其要語務從省約其目凡十五至於今日國家至重
至急之憂莫過於儲位之久虛而朱子之世適不
值仁宗高宗之時故曾無提論此事之語敢取宋朝
名賢奏語及我朝故事附之篇末以備澄省臣之
願忠之誠於是焉畢矣苟蒙聖明以此體之於心
驗之於身其發於政令施措之間者亦以此櫟枿焉

取其如此者去其不如此者則天理日明人心日正
轉危爲安回否爲泰其在斯矣臣雖夕死更無所恨
唯 殿下平心恕諒察其將死之鳴焉臣伏見先正
臣李珥之進聖學輯要也構成一劄備陳編輯之由
書之卷首以進其用心之勤如此今臣亦敢效此先
書短劄於上以冀 殿下俯燭賤臣憂愛之微忱焉

閔文忠公奏議卷之五

閔文忠公奏議卷之六目錄

啓

政院陳戒啓

政院論戶曹草記啓

司饗院論薛里罪狀啓

賓廳請討逆初啓

賓廳再啓

賓廳五啓

賓廳八啓

率百官庭請討逆初啓

庭請四啓

庭請七啓

庭請十啓

庭請二十八啓

庭請三十一啓

庭請三十七啓

庭請三十八啓

擬率諸宰上 東朝啓

議

魯山 慎氏復位當否議

俞正基妻泰英離異當否議

孝廟追崇議

展謁 明陵當否議

宗廟移安時展謁當否議

同日再議

差送陳奏使議

謁 陵當否議

處置李範獄案議

請勿捧瀋陽咨文以待更咨議

毆母罪人贄敬斷罪議



一 婦人於婦人

二 婦人於婦人

三 婦人於婦人

四 婦人於婦人

五 婦人於婦人

六 婦人於婦人

七 婦人於婦人

八 婦人於婦人

九 婦人於婦人

十 婦人於婦人

閔文忠公奏議卷之六

啓

政院陳戒啓

肅廟乙酉三月初八日以
副承旨與同僚聯名

近來非常之灾式月斯生前月陰虹貫日之變已極
可愕而今又季春之月連日下雪無異隆冬臣等聚
首憂歎誠不知 殿下有何闕失而天之警告若是
其丁寧也臣等竊覲 殿下聰明出天英睿冠古敬
天非不至矣憂民非不切矣聽政非不勤矣而或多
文具浮華之習有欠惻怛真切之誠臣等請冒死謁
之噫居常對越之心已多間斷遇灾驚懼之念漸至

懈弛時下罪己之教必曰寧丁我躬尚寐無吪無非哀痛苦切之語而夷考其實卒無大警動大振作之舉况數年以來並與罪己求言等文具末節而亦或廢而不舉是殿下敬天之無其實矣存歲饑荒八路阻飢軫念之教勤恤之意屢發於絲綸而未見節用愛民之實侵漁多門而莫之蠲革奢侈成風而莫之禁止獄訟之滯或至累年而疏決無期征斂之害至及族隣而逃散相繼按藩奉使之臣條奏民瘼則循例下廟堂閱歲無從違而作一無用之休紙親民在於守令守令之畏戢莫如繡衣之廉問而

年來久廢簡遣之舉是 殿下憂民之無其實矣五

日引接有名無實法筵勸講一曝十寒至於持公事
入侍及召對夜對之停廢亦已久矣賢士大夫進見
之時絕少而所與處者只宦官宮妾而已則 聖心
安得不怠肆庶事安得不叢脞哉是 殿下聽政之

無其實矣今此稱慶進宴之節專由於勉循 貳極

之誠孝羣情之喁望本非 殿下所樂爲而如有一

毫豫肆之念雜於方寸則上帝鬼神臨之質之豈不

大可畏也哉 大報壇親祭之舉有足以鼓忠臣義

士之氣則弘大志業迂續景命庶其在此凡在瞻聆

孰不感動而然或禮有餘而誠不足則神皇在天
之靈亦必降鑑之矣此尤殿下所宜怵惕警省處
也臣等待罪近密之班不勝憂愛之忱敢以草草數
語妄效箴戒伏願殿下克謹天戒反求諸已毋枉
於變異之頻作毋忽於修省之實德俾臻轉灾為祥
之休則實宗社臣民之幸也

答曰非時之雪極可
驚心陳戒切至可不

留意而進宴決不可以
前定日為之待秋退行

政院論戶曹草記啓

閏四月初五日
右副承旨論啓

卽者戶曹郎廳來呈草記以筭員崔鎮華令攸司囚
禁嚴刑科罪為請問其曲折於該吏則以為昨夕自

差備 下傳教令本曹以此意草記草記措語一遵

傳教不敢添刪云凡罪人推治之規先觀供辭如有

詐偽之端則嚴刑究問例也未捧招之前先施嚴刑

係是法外况該曹草記之直請嚴刑尤為未安此草

記還為出給使之改其措語以入之意敢啓備忘記

地衣簾帳年久破傷處昨招筭負使之改備矣隔院

殿坐之地唯當即速磨鍊所去告于堂上而已非渠

之所敢疑而疑之非渠之所敢問而問之精狀痛駭

故即招該吏俾令本曹啓請囚禁嚴刑科罪矣所謂

嚴刑或有違端現露而嚴刑究問者或有情狀可惡

而嚴刑或有違端現露而嚴刑究問者或有情狀可惡

司饗院論薛里罪狀啓

景廟辛丑八月十六日
以監膳提調論啓

各殿薛里以下貢人等處徵索之弊頃者榻前陳達
嚴飭之後薛里等不爲懲戢益復操縱每日供上自
本院監進之後薛里等中間點退之弊近尤滋甚今
日大殿供上生鮮三尾臣與郎廳及薛里同坐看
審則色品無欠故仍爲封進矣封進之後薛里又爲
點退改捧生鮮色品果不合於御供則同坐時何
無一言而追後點退乎此不過含憾於貢人等不副
其無厭求索之致事甚可駭當該薛里金世寬罪狀
令攸司稟處今後本院封進之後薛里不得任自點

退事奉 承傳定式施行何如答曰薛里內官白下
御供之古規非但予也 魂殿祭享之物慈殿供
上若有不合則不可點檢而何定式之說未知其得
也當

賓廳請討逆初啓今拜與三司諸臣連入朝遂膺大

皆不蒙 允六月十日觀命繼公入相而公序陞
廳啓請討逆時李公觀命繼公入相而公序陞
左相○以下諸啓
非公親製者不錄

近日三司諸臣請討國賊合辭論列殆將半年以至

伏閣申請今已累日而 天聽邈然尙靳一俞臣等

不勝抑鬱焉噫人臣無將將則必誅鳳輝之投疏逞

亮危逼 聖躬光佐之包藏禍心主張誣獄奉億之

心蓄無君引諭亮悖至於煽僞蜚箝釀出鏡虎之變
鍛鍊羅織勒成誣告之案則考恒之情節俱極慘毒
而王法尙稽羣情愈鬱夫君臣之義無所逃於天
地之間苟有一毫干犯於此而懲討不嚴則三綱由
是而不立五典自此而掃地亂臣賊子將接迹於世
矣如此而國不亡者未之有也今此請討之舉實是
一國公共之論不得請則不可止故臣等敢此來會
賓廳齊聲仰瀆伏望 特允三司之啓以行天討以
正國法焉

答曰前後筵席已盡下教近日伏聞予謂
過矣今日此啓誠是慮外卿等須體予意

勿煩
吏煩

賓廳再啓

同月十七日
自此日上三啓

彝倫之變莫大於君誣之罔極一日未辨則君不得
爲君而受萬世之疑春秋之義莫嚴於天討之奉行
一日少緩則臣不得爲臣而被萬世之誅安有君不
君臣不臣而綱常不滅者哉亦安有綱常數滅而其
國不亡者哉臣等大爲是懼沫血飲泣仰陳沐浴之
請矣 殿下不惟不賜快允反以已諭予意誠是慮
外等語爲 教臣等抑塞悶鬱誠莫曉 聖教之所
由發也噫力沮 二聖之大策將絕 三宗之血脉
者鳳輝之逆也讐視 肅廟乘時逞憾密布凶計終

始諱 疾者光佐之逆也敢引國老之悖說誣辱
聖躬密贊賊鏡之凶謀圖煽危疑者奉億之逆也至
若創出嫌字而始啓動搖之奸謀締結閹豎而終至
此門之鑽入置 聖上於黯黯之中而戮忠良於刀
鋸之下者考恒爲逆之大關捩而其他可誅之罪罔
赦之惡擢髮難數何莫非誣蟻謀危而特未及下手
者我 殿下孝悌之德迥出堯舜上通神明而 祖
宗陰隲得至有今日也臣等曾於前席亦數聞 殿
下之宣諭矣 殿下曷嘗以此賊謂非凶賊而臣等
之請謂非大義也哉然則 殿下非不知此賊之不

可一日容貸而若是其靳允何哉若以其事關自己
特施好生之德不欲置辟也則殿下之身卽一宗
社之主非殿下之所可自私也此賊非殿下之
罪人實宗社之罪人也亦天下萬世之罪人也抑
以其罪固罔赦而曾經三事故姑徐云爾則尤非臣
等之所敢知也伏願聖上亟從三司之請使聖
誣伸王法正而君臣之分大定幸甚

答曰予意已
諭須勿更煩

賓廳五啓

同月十八日

臣等於昨者日三陳籲冀獲俞音者誠以天討不
可少緩輿憤不宜久遏而及奉聖批乃以須體予

意勿復更瀆爲 教臣等抑鬱之極殆不知所喻也
臣等俱甚愚迷 聖意所在雖不敢隱度而豈以其
任使日久不忍遽施 王章而然歟豈以其略加削
罷之典此足以塞衆怒謝公議而然歟豈以鏡虎二
賊旣已正法則此輩卽同弩末刃餘有不足深治而
然歟抑無乃此輩向來晝宵所謀晝只在於陰害
聖躬則到今一併誅討有些嫌澁而然歟凡此數段
皆未足以解臣民之惑而反有以增亂賊之氣則臣
等安得不顙血而畢陳之乎噫潛結妖豎竊取崇顯
則不可以官位之猥隆輒貸其問赦之罪明矣參夷

之律乃是懲逆之常憲則不可以鑄褫薄罰減而益
減也亦較然矣伏法之二賊不過此輩之所願指則
古今天下安有受戮者誅死而首惡晏然無事之理
乎至於避嫌之事固賢人所不爲而况王者繼天立
極爲生民主其可屑屑焉惟曲嫌細節是拘而不念
國家大倫綱曾不容一日放倒也耶臣等向於筵中
亦嘗以周公誅管蔡事備陳之義理昭然無可疑者
臣等雖欲仰體 聖意有所斟酌誠不可得也茲敢
不避再三之瀆復此煩聒而不知止焉伏乞 聖明
更加三思夫從公論後 王法得伸亂逆知懼不勝

幸甚臣等雖極無似亦有一端秉彛誠不忍與此輩
共戴一天 聖上終若牢拒羣情則臣等惟當裂冠
毀冕不敢爲立朝之計矣惟 聖明之垂察焉

批旨予意已諭而猶且不止只恨誠淺夫復何喻
下款語尤爲過矣實非平日所望於卿等者也

賓廳八啓

此月十九日
啓後仍設庭請

三司之合辭抗論臣等之齊聲請討盖出於植彛倫
明義理之意而一日二日 天聽逾邈不得已相率
請對 威顏咫尺交謁競陳而猶未蒙開納臣等誠
無顏面可立於 殿下之朝而積漸誠意或可望
聖心開悟悻悻引退亦非臣子分義之所敢出茲敢

復此呼籲惟

聖明虛心觀理而俯加澄省焉夫鳳

輝等貫盈之罪路人之所共知聖鑑之所洞燭揆

以三尺斷斷無可恕而殿下過加容護一向牢拒

未知殿下有何顧藉於羣凶而如是靳許於討罪

之論耶噫殿下昔在儲位之日遭罹危機者凡幾

遭矣羣凶之危動我殿下者何如迫脅我殿下

者何如殿下爲宗社憂鬱焦煎者亦何如而

殿下猶以爲非逆今日之所以罪之者只從輕勘有

若薄物細故不欲快施當律臣等恐若是則國家三

尺將何所施而亂臣賊子亦何以懲畏也今日沐血

之請非爲 殿下也乃所以爲 先王亦爲 宗社

也 殿下縱欲假貸其於 先王之罪人 宗社之

罪人何哉此而一或容貸則倫彞斃絕義理晦塞將

至於人不得爲人國不得爲國豈不大可懼哉臣等

不得請則終無可退之日伏乞更加 睿察亟允三

司之請夫副舉國之望答曰已盡詳論於今

率百官庭請討逆初啓同月二十三日

五賊之罪狀前後筵奏啓語已盡臚列今無可贅而

蓋向來羣凶無不以建 儲爲廢立 代理爲篡奪

而此輩爲之首其黨靡然從之壞亂我國家危逼我

殿下餘外負犯姑置不論只此一款萬戮猶輕况鳳
輝則凶言逆節渠之一疏自爲斷案則尤何可一毫
容貸而凶頑之喘尙保牖下中外羣情之抑鬱憤痛
當復如何人臣討亂賊古今之通誼也逆儔追王章
天下之大變也 殿下雖欲屈常法而市私恩恐不
可得也茲敢倡率百僚復此仰籲伏望快從三司之
請以伸春秋之義焉筵答曰是何事乎是何事乎前後
昨日筵教亦已詳盡則卿等之不諒一至於此况三
司伏閣實罕有之事伏閣賓廳予以謂過則又况曠
其職事率百僚庭籲乎既定之志决難
撓改亟停斯言講確國事濟我元元

庭請四啓

十一月二日

臣等敢將沐浴之請入奏出啓苦口力爭始則諸宰
合辭終焉百僚咸造日已六矣啓已逾十矣辭竭意
窮祇增抑塞盖臣等之所執者討賊之義也 殿下
之所主者好生之仁也好生雖曰美德非所施於討
賊也然一討賊而亂臣賊子有所懲畏不敢復作則
是好生之仁實寓於討賊之中也不討賊而亂臣賊
子接迹而起則其所謂好生者適足以啓亂也可不
懼哉况今春建儲時聖教有曰世道危險雖以
前日事見之層激之論難保其必無可於今夜定策
是殿下深慮其復有鳳輝也 殿下若能早行天

討明正典刑使凶徒逆儔明知臣子之不敢干犯於
儲君則 殿下豈有此慮哉 殿下每以鳳輝之疏
專出於排軋異已而非出於逆爲 教設令其心初
出於排軋異已渠旣自貳於 殿下則謂之出於排
軋而不以謂逆者寧有是理也哉至於光佐奉億臣
等之所請者減鳳輝一等則何所損於好生之德而
亦且持難至此誠莫曉 聖意之所在也若夫耆恒
罪狀 殿下固已深惡痛疾而旣不從孥籍之典至
如臣鎮遠所達依鑕賊例分竄諸子之請亦不俯許
此亦非關於好生之德而猶有所不忍者豈不過歟

且者恒之罪與三賊一串貫來而 殿下於者恒則
不以臣等之言爲非獨於三賊每煩 勤諭者何哉
蓋以二賊已死無可施刑而三賊尚保首領故不欲
致辟而然也豈不大有乖於王者刑法平允之道耶
日昨筵中 殿下勉臣等以退而熟思臣等仰體
聖教反復思度聚首商確而此輩罪狀一則逆也二
則逆也終未覺其有一分可恕之端此而不討天理
滅矣茲敢不避煩瀆復此仰溷唯 聖明毋主先入
之見深思義理之正 亟允三司之請以解神人之
憤不勝幸甚

答日予意已諭卿等豈不諒哉而一日
二日猶且不止自愧誠淺夫復何喻但

予志固定決難允許
停斯言母使百隸曠職

庭請七啓
同月二日

惟我殿下明先王之有疾以彰聖德則諱疾

而恣行欺蔽者厥有常刑矣愍羣枉之抱冤快賜昭

雪則起獄而唯意鍛鍊者厥有常刑矣不罪其欺蔽

者則先德欲彰而反晦不罪其鍛鍊者則冤氣欲

伸而愈鬱又况其所以欺蔽鍛鍊者不專爲戕殺異

已而已則此其關係之重且大爲如何哉且殿下

幸賴皇天祖宗之默祐保有今日而向來危逼之

迫脅之者殿下以其事關自己必欲置而不問至

曰由予涼德致有此疏此雖出於殿下自謙不尤
人之意而使殿下有此教者非逆而何殿下之
不欲治之以逆者恐非所以恭承宗廟意也況臣
等與此賊共戴一天不爲之請討則將不免爲名教
之罪人此臣等之所大懼也臣等豈有私惡於此輩
而必欲甘心裁誠以一時之衆怒難拂千載之公議
可畏也茲故日三呼籲而不知止焉伏願殿下俯
察臣等爲殿下爲宗社之苦心血誠且念祖
宗典章之不可私撓亟降俞音以幸國家焉卿等

之鎮日力請予豈不知而一向斬允者意亦有在也但守初定之志而已須勿強煩焉

庭請十啓

同月二
十三日

臣等義急討賊日三呼籲而天聽愈邈俞音尚

靳抑鬱之極語不暇擇以致聖心疚傷誨責丁

寧臣等聚首奉讀惶隕欲死見今泥首闕庭以俟

威譴之加而今日沐浴之請大義至重終不可以仍

爲退散請得以畢其說焉夫諸賊之情節雖以批

旨中雖不如是予豈不知之教觀之殿下旣已

洞燭之矣臣等不敢知殿下於三聖之受誣也

必思所以明辨快雪以正羣凶之罪者爲孝悌之至

耶不忍提起唯欲掩覆者爲孝悌之至耶殿下每

以不忍提起看作大義理然則三聖之誣終無可伸之日耶臣等竊恐孝悌之實在彼不在此而堯舜之道決不如是也彼五凶之罪乃在於謀危聖躬誣及三聖則今此齊籲之章豈可以聖明之所嘗惡聞而不爲之臚列亦豈可以聖明之已盡俯燭而不爲之請討耶殿下若以提起前事有憾淵衷則何不亟允衆請以斷斯啓而直爲此泄泄沓沓耶臣等誠莫曉聖意之所在也臣等不忍國賊之偃息尚冀天心之有悟復此仰瀆猶不知止其情可謂憾矣其心可謂苦矣伏願聖明快從前

請以正 王法仍治臣等妄言之罪不勝幸甚

批旨只諭予意則卿等何若是引咎耶但此事予志既定決難允可須勿更煩焉

庭請二十八啓

七月初一日

臣等昨伏承三啓之 批天心一向漠然又以予意

已諭更何多言爲 教意 聖意之前後俯諭非不

勤矣而原其大體則不過曰人心陷溺不自覺其爲

逆此非真逆也又慮其有違昔年陳疏之意或歸失

信之科而已此則只足以滋臣等之惑焉耳夫世道

既下黨習日痼輾轉自陷於惡逆之罪而不自知則

仁人君子之隱傷而深愍者固出於惻怛之誠心

殿下今日之教殆亦近於曾子所謂得情則哀矜勿喜者也雖然曾子之言蓋指上失其道民散久矣而言也彼諸賊者卽所謂凡民罔不慙者也顧其家世之自出官位之所處何如也而肆然爲惡逆之事無所憚焉如此而不誅則是使一世之人不知惡逆之可惡而容易犯手也仁人君子又何可忍此耶曾子之所哀矜者旣曰得情則未嘗不治之也只曰勿喜則未嘗不罪之也治其當治罪其當罪者正欲立教當世俾知王章之不可違而刑法之不復犯則真所以廣哀矜之意也何嘗如今日 殿下處分之泯泯

泄泄一切容護而不之問哉 殿下於頃年親臨錫
恒之喪曲示痛傷之色而今既知其有罪則奪其官
爵矣曾不以向來臨喪之故持疑於前後之異視而
獨於鳳輝每以失信爲嫌今若孥錫恒而誅鳳輝則
是覺其前失而改之耳夫以成湯之聖猶不能無過
而所貴者改之無吝 殿下之知非能改者實爲盛
德之事寧有一毫近似於失信者哉至於元載事臣
等之意只以爲其初之獎用不妨於後之置法元載
特一權臣而尙如此則諸賊之逆節旣著者尤不可
以所嘗寵秩而容貸之云爾也 聖批中諒之一字

誠是意外豈或臣等引諭失宜辭未達意而然耶况
殿下之前日假貸任使者若出於真以爲非逆真以
爲賢才則是殿下之所以處鳳輝者反出於代宗
之下尤非臣等之所望也且凡事之難斷者猶不害
姑且舍置以俟百世之公議顧今臣等爲君父討
國賊公共之論自是撐天地亘古今之大經大義有
何一毫難斷而乃欲令臣等袖手退坐諉之於百世
之後耶况百世之後公議極嚴加臣等以忘君縱賊
之誅則殿下欲使臣等何說而自解耶且罪人旣
已斯得而時君不能按法誅之反欲待百世後人追

行其誅討之律則天下寧有是耶臣等恐百世之公
議無可待而適所以招其譏議也伏願更 加三思
亟降俞音

答曰前後批旨整悉予
意毋煩之外夫復何諭

庭請三十一啓

二月初

臣等昨日三啓又未蒙 俞繼伏見答三司之批

則以平心二字勤勤 誨諭噫 聖教誠至當矣臣

等果不能平心矣當辛丑秋 殿下新陞儲位臣等

慶 宗祊之益固幸民心之有係歡忭鼓舞方切延

頸願死之忱矣鳳輝忽上凶疏不滿於定策之大計

必欲危逼敲撼臣等覽之不覺髮豎骨青直欲手自

刺刃此時何暇平心耶其後代理命下之日羣凶
皆以爲宗社必亡之舉又其後伏聞殿下涕泣
辭位至於再次危厲困迫鬱悒焦灼而諸賊或引梁
獄或請移鞠欲置聖躬於黯黯之中臣等於是乎
切齒腐心恨無由爲殿下下一死此時何暇平心耶
及至近日幸見殿下屏退羣凶乃敢聲罪請討欲
伸春秋之大義前後筵席輒承聖教則灼見羣凶
情狀或曰自今以後斷自宸衷等語誠爲恠異或
曰由予涼德致有此疏或曰請以勿書者欲置予於
黯黯之中或曰移鞠本府蓋欲任意鍛鍊也無不歷

數以教而至請討罪則輒以勿煩爲教又令臣等退而平心思量臣等謹依聖教聚首商確舒究熟思而自初憤嫉之意盖自秉彜中直出來此所謂義理之怒非出血氣而又非有一毫文致構誣許多計較之私也若然者臣等安得以不得請而退去乎殿下雖以當初疏請寬貸爲是而此心本來泰然爲教而臣等敢問初陞儲位惶遽不安之中忽接輝疏聖心其果泰然而無一分驚惶震懼之意否其時情境願更下教則殿下默然而不能答殿下雖以光佐不能超乎羣小爲教而臣等以爲其

時羣小所爲者何事光佐位在宰相既不能超出而反爲主張其罪如何云則殿下亦不下答殿下雖以泰億一言之失爲教俾臣等退考政院日記察其語脉而臣等退考日記則泰億歷引漢唐昏亂時事而繼之曰辛丑事非出於爲國家夫國老等說蓋其時凶徒通同之言以此奏達不止泰億一人則元非一時偶發而殿下既以其言爲失則其失之輕重如何關係如何其所謂非出爲國家云者尤豈不萬萬凶慘耶殿下蓋以曲護容貸之意先着腔子裏每下一教輒爲臣等據義之言所辨破繼

下一教又如如是則於是乎又 下平心之教臣等未知孔子沐浴請討之時其暇平心乎古人如鷹鷂逐雀之時其暇平心乎臣等死罪竊恐 殿下所自謂平心者寬假一念崎嶇纏繞於方寸之中終失天理之正也伏乞 聖明更加反復審量 亟允前請以副臣民之望焉

答曰已諭毋煩

庭請三十七啓

同月初六日

臣等於昨日遽承臣子不忍聞之 教驚惶罔措迸出禁門之外略陳短劄仰請 威譴之加矣伏奉批旨縷縷誨諭不啻若慈父之詔稚子臣等雖甚愚

迷能不感泣思效第臣等於三聖罔極之誣實非
輕言之教實有所萬分訝惑者更提此事固知仰
疚聖懷雖然語及先朝固爲感愴而不忍感愴
之懷捨置受誣之事而不爲之明辨昭釋則是三綱
絕矣人理滅矣其關係之重爲如何哉噫辛丑建
儲實是三聖傳授爲宗社莫大之舉措而輝賊
乃曰人心疑惑久而靡定至疑之以非出宸衷是
以寧考遺旨爲不可信也慈聖哀痛之教爲不
可奉行也先王手授慈教於大臣爲非光明正
大之體也且其言曰處分已定無容更議臣等未

知處分若未定則渠將欲何以更議耶其將以
殿下爲不當立而廢棄我三聖傳授之大策耶至
於諸賊所謂廢立篡奪等說雖出於戕殺諸賢之意
而殿下坐受罔測之誣廢之一字又豈非誣先
王耶況變肅廟之處分略無顧忌而謂非本意幸
先王之有疾恣行欺蔽而謂取上旨置聖躬於
黯黯之中逞凶謀於鍛鍊之獄臣等未知此等事在
四聖爲受誣耶非耶況鏡賊以疏中冀顯二字受誣
上之誅夫冀顯二字陰引古事不敢顯言則賊情猶
似隱微難見而尚不容誅矣今此所陳諸條是皆何

等顯著者而 殿下乃以爲不可輕言何也 殿下
果知其爲誣 三聖也而猶且曲護凶賊不欲輕言
則豈不大有損於孝悌之德也哉若未覺其爲誣也
則俯覽臣等前後啓語庶幾乎恍然開悟而尙未也
此臣等所以直欲痛哭於大庭而不可得也 殿下
如果終以爲非誣也則是以臣等之言爲構殺人而
發也亦宜卽降 明旨夬行誅譴使是非大定刑賞
得中可也此何等關係而乃欲置臣等於將信將疑
之中歸凶賊於似逆非逆之間薄施譴罰以示勉從
之色而仍令撤罷庭班古聖君用刑聽言之道決知

其不如是也夫然則人心何以定之倫常何以明之
殿下每以情義不孚為歎而如許大義理大議論上
下之見若是遼絕言言不相入則情意之交乎已不
可望而至以謂之過重荐降未安之教臣等固當
縮伏竢罪而義急討賊他不暇顧復此倡率百僚仰
瀆天聽唯殿下先辨三聖受誣之虛實俯察

一國憤鬱之忱誠亟允前請以光聖德以慰

先王在天之靈焉

此答日已諭矣又教矣夫復何言但

此舉耶歲雖更矣月又閱矣既定之

志難變亟停斯言以安上下之困

庭請三十八啓

同日

臣等謹按魯論齊景公善孔子君君臣臣之對曰信如君不君臣不臣雖有粟吾得而食諸又按宋臣真德秀之言曰三綱五常扶持宇宙之棟梁莫安生民之柱石人而無此冠裳而禽犢國而無此中華而裔夷臣等竊以爲今此諸賊卽無君不臣壞綱亂常之凶逆苟未誅討粟不可得食而爲禽犢裔夷宇宙無扶持之勢生民無莫安之望此臣等所以不遑他事必汲汲於沐浴之請而今 殿下不以三綱五常爲棟梁柱石徒區區於小節末務爲活民食粟之道是豈臣等所望於 殿下者哉噫爲父止慈爲子止孝

卽天理之常人倫之大者今有爲人子者欲誅逆奴
之謀害其父者而痛迫悲呼其父不爲之哀傷惻怛
反以他僕隸之凍餒爲念忘寢忘餐至於疾作而曰
姑捨汝必報之讐先爲此濟活之策其果合於止慈
之道耶況大臣之於君猶冢子也三司之於君猶衆
子也爲冢子者乃曰報讐之事惟衆子在我則惟冢
事是修其果不悖於止孝之義耶今臣等事 殿下
猶父而 殿下之視臣等則不如子反又認賊爲子
曲爲之容護而至疑臣等以不忠不孝此臣等之不
能無憾於 殿下者也伏願 殿下更加三思亟允

衆請焉

答曰

卿等

以君臣

父子

言之

之安

有世

間父

有

非王臣

雖癰

疾強

盜之

類究

其本

則不

是皆

臣子

也今

莫

以爲子

不如

子之

說豈

不過

激而

亦不

教於

橫渠

歟

今

達教感

懷而

未能

信於

卿等

批旨

惻惻

而啓

尤層

巖

巖

此皆因

予凉

德巽

軟之

致南

面御

百工

不亦

慚乎

我

我

○是教

之下

庭班

震悚

公遂

請罪

乞免

而不敢

復設

十

十

庭請

割凡

六上

上乃

命還

入前

愧慙

慙

慙

慙

慙

四復

何喻

十四

字即

同月

十八

日也

慙

慙

慙

慙

擬率諸宰上

東朝啓

公自

經戊

申逆

變國

憂

意書

勸洪

相公

致中

亦嘗

自草

此啓

擬一

造

朝而

行之

然而

事漸

後機

朝象

洋渙

卒不

果

臣等聞國不能常安必有一亂於其亂之始上下驚

動深究禍源而亟救之者能轉危爲安因循目前苟

冀無事者終於必亡斯乃必然之勢也噫嘻向者凶

逆之變何爲而發也我國家崇尚名義今雖積衰猶有餘俗匹庶之賤無敢抗於士夫況於至尊之地敢有干犯乎唯彼凶逆之徒讐怨君父陰圖不軌慮民之不從則經營誘惑積有歲月天海之事掛書之變前後踵作使國中人心浸漬日變以至不敢言而敢疑然後始乃稱兵自附義舉蓋自古亂臣賊子率多憑藉不如此則民不從故也粵自辛丑建儲以後煽動誑惑其來有漸鄉曲賤儒之妄托色目者與下土愚氓之不知本末者望風從叛自陷大逆噫此輩亦人類耳豈不知天常之截嚴反逆之必誅而

乃敢靡然從亂者蓋以疑惑之有素而謂爲大義布
置之已密而希其必成也苟於變亂之初究其所由
而明白剖破如斬木根如塞水源則人心自正奸計
自絕而我 聖上至仁並覆以辨已事爲嫌而不加
究治以安反側爲心而唯務涵貸此在 聖上固盛
德事而在廷之臣不能深思遠慮誅治凶賊旣多漏
失若其根本初不究論是以誣悖之言汔未止息掛
書之變猶復闖發雖未知早晚果有何許變恠而若
是而終無事誠未敢必也噫事變無窮機會易失今
不早爲之所後悔何及臣等竊伏見藥院日記則

先王大漸時疾患首尾殆四十日其時中外之絕未
聞證候之日臻而驚動於大喪之猝急者此何
故耶於是而戚畹之中凶狡如維賢者因人心之驚
動而黨與唱和中外密布造作凶言詬天罵日無所
不至意嘻痛矣今日禍亂此其本也苟不於此昭晰
辨破則臣等恐聖誣無可伸之日凶圖無永熄之
期也伏念我東朝兩殿下若俯燭聖上之受誣
至此國事之罔極至此則豈不驚惶汲汲昭舉大
漸時證患本末洞曉中外以雪聖誣以定人心而
在下者未嘗以此仰請則其何以衆燭外間事勢而

念及於此哉。今則雖似後時鎮定人心之道。舍此無由伏乞深加憂念。盡將其時證候諸節及其他可以辨雪。聖誣者一一昭揭。使人心洞然無毫髮之惑。則亂賊之輩亦將無可資藉而爲熒惑誅動之計。豈不爲國家之大幸乎。嗚呼。逆徒凶儔。雖欲百計矯誣。顧何傷於日月之明。況堂堂國家。豈必屑屑爲辨誣之舉哉。惟是民爲邦本。而爲訛言之所煽撓。積有疑惑。若是而終不一番痛辨。則目前架漏。雖若無事。苟有事變。難可收拾。必須昭揭大誥。然後民知信向。奸萌自折。如禹鼎出而魑魅自藏。杲日現而雨雪。

自消方可爲鞏國弭禍之道也顧今急務大計無踰於此茲敢同聲冒死而請之如其不然何敢作此萬萬不得已之舉使我東朝兩殿下提起罔極中往事以成聖心哉伏願深惟大體明白下布以答羣下顙望之情焉

議

魯山

慎氏復

位當否議

肅廟戊寅十月二十三日以文學叅百官

會議

今此申奎疏中所論魯山事則當初遜位本係禪讓觀其受禪之初尊爲上王之舉則厥後之恩

禮不終斷非 光廟之本心者灼然可知到今復其
位號追舉緼儀則實所以善繼 光廟之志而於
光廟之盛德尤有光矣若稽古事亦有 皇明可援
之例則此外無容別議至於廢人 慎氏事則禮曰
爲伋也妻者爲白也母不爲伋也妻者不爲白也母
是故朱子曰出母義不可迎之以歸夫迎之以歸尚
且不可而況復其 位而祔之 廟乎揆之以禮實
爲未安然而考諸古史則漢武帝衛皇后坐廢自殺
而宣帝追謚曰思后唐玄宗王皇后以罪廢死而肅
宗寶應元年追復后號豈帝王家典禮與匹夫有別

而禮之常者或有時而變耶抑漢唐諸臣不能考據
禮經未免率意循情而不足爲後世之師法耶蓋茲
兩事俱是數百年來舉國臣民之冤鬱而悲歎者則
人心所同天理所存因而順之豈不爲聖朝之美
事而不但事體之至重至大係是列聖之所未遑
先正之不敢請者則如臣謏聞淺見尤何敢妄論其
可否乎惟在聖上熟講而審處之伏惟上裁

俞正基妻秦英離異當否議

癸巳閏五月以禮曹叅判獻議

秦英之性行不順訐訴其夫人之所共惡也擬以七
去固無不可第聖人旣垂七去之訓其下又有三不

去之語欲使後之爲家長者參情理酌輕重而所以處之者不失忠厚之意非若國家典法之一定而不可撓也且去者其夫去之也離異者朝家使之離異也今日秦英之離異當否宜以國法爲主按大明律妻妾毆夫條曰凡妻毆夫者杖一百夫願離者聽今之言當離者皆引此爲言秦英雖悖未嘗有毆夫之事則此不可謂當律也此外他條皆無離異之文矣夫我國異於中朝婦女適一無改故旣離之後無所於歸此王政之所宜矜恤也設令其罪襯合於此律猶宜審慎今乃以秦英情狀之可痛強擬於毆夫

而謂可離異則日後三尺之典將隨一時之所愛惡而任意低昂法何以見信於民耶取考本曹離異謄錄則逆家女被擄女外未嘗有以性行悖惡許離者若或一開此路則非毆夫而願離者皆將引此例而許之閨門妬恚之際好惡無真婦女之無辜抱冤者將不知其幾人此豈非後弊之大可慮者耶況今其夫既死離異二字元無可施至於合殯合葬與否本不係於離異之許不許唯當一任本家之所爲朝家事體何可爲此之慮而創設夫死後離異之法乎今此秦英離異之事以臣迷滯之見恐難輕議

孝廟追崇議

丙申十月二十四日因幼學金德隣疏以刑判會議

惟我孝宗大王以上聖之資當天地翻覆之後奮發大志倡明大義握火抱冰之心匪風下泉之思十年如一日雖其志業未究弓劍遽遺而使我環東土數千里得以知華夷之辨人獸之分者莫非我聖祖之力也功德永流於遺民義理大明於百世巍乎蕩乎度越前古此所以有追上徽號之議也第宗廟事體至重至大癸亥之尊爲世室出於先正之建請允合於觀德之義所以尊奉稱揭者至矣盡矣數字微稱之加上本不有所加損於聖德則當時

先正之不爲並請者豈亦以此也歟莫重典禮非臣膚淺之見所敢容議惟在聖上博詢而裁處焉

展謁

明陵當否議

今日

因

上

乙巳

十一月

初六

疏

以

左

相獻議

國恤三年內本無拜

先陵拜

宗廟之禮蓋後世

雖不能行諒闔不言之制方在縗服中不暇於他禮

故不得自展其孝思故也今日

明陵之展謁雖異

於庚子之於

宗陵甲寅之於

寧陵而旣不得展

謁於

宗廟則獨行省

陵之禮未知其果不悖於

禮意否禮雖緣情而設一以循情爲主則恐有乖於

尚嚴之體如臣蒙學有不敢妄議於無於禮之禮伏

惟

上裁

傳曰依議施行

宗廟移安時展謁當否議

十六日

今此宗廟各室移安之際自上祇迎祇送之節

情禮之所不可已而第念方在憂服中禮不宜入

廟況嗣位之後尚未行謁廟之禮今因移安一

節遽行望廟望殿之禮尤似未安臣之淺見則

移安之日設幕次於芭子廔橋臨時動駕入幕次

神輦過去時以黑袍行祇送之節恐合於參酌得中

之道而既無經據何敢斷之以必可行乎伏惟上

裁傳曰禮有經權應為權處亦是經也且禮出於情
此與無端入廟者有異而且慶德宮奉安之後
不為一番奉審則於予心抑何如以凡人事父母之
道言之如父母移居他處而為其子者豈不為省視以
此言之如事生之義不心若是矣予意則決不宜只
以三年內不入廟之禮為比也
此更為問議在外大臣處亦為問議

同日再議

伏承更為問議之 命有以仰見 聖孝之篤至情
理之難抑凡在臣隣孰不欲欽仰將順而第居憂之
禮極嚴帝王家比士庶尤別墨縗從戎者古有之矣
未聞有墨縗入 廟之禮蓋即位之禮煢煢在疚三
年喪畢 新主祔 廟之日始行謁 廟之禮者喪

制至嚴禮有次序故也丙辰年仁宣王后喪畢祔

廟時肅宗大王方在憂服中而入廟行禮此則

肅廟既主仁宣之喪喪畢祔廟之禮不可不親

行與今日事絕異不可援以為例至於未行謁廟

之前因事入廟終恐其大有乖於禮制迷滯之見

與前無異伏惟上裁朱傳曰予之意已論於前批而

廟不造實三百年始有之舉百世不遷之廟將移

還之際不為展拜使臣攝行於心安乎不安乎又況

丙辰祔廟殿後仍為祇迎而隨駕至則謂無異也初

謁於廟殿後仍為祇迎而隨駕至則謂無異也初

後亦為展謁還安時亦當依此為之抑茲事在於

先朝則必將定

肅廟東而行之豈可闕情禮乎依此

舉行可也

差送陳奏使議

丙午正月十一日
原任大臣獻議

今此陳奏之舉是一國上下積年冤憤欲爲聖祖
一死而未得者則國家至重至大之事孰過於此順
付使价實涉苟簡別遣大臣事體得當云者誠如堂
劄所陳孰敢容議於其間哉第以事勢論之則彼中
修史之役方在垂畢之境云今若差出別使則治裝
之際當費數月及至赴燕之日史事已訖則旣成書
之後必以追改爲難此已可慮卽今國家事力屢經
勅行連送兩使而又欲治送使行則其勢固難拮据
此亦實爲難處且不爲順付別送他使在我道理固

當如此而彼人則曾不以順付與別送有所異視故丙辰以後累次辨誣時亦皆因謝恩順付而無別遣之事今亦必不以此為咎臣之愚意則今行差退期日以大臣差出上价到彼之後觀勢善為周旋恐或無妨伏惟上裁史傳曰昨日請對時允從者未知便付价心有所未安而堂劄適入此際故有議大臣之命矣今觀粘啓大臣獻議是矣而亦有已行之例依再昨下教舉行而且昨於大臣欲差上价待收議而處之云者若別遣使臣則以大臣欲差上价也今則既付謝恩大臣方帶摠裁管閤宮之重役而以宗臣奏聞亦有舊例仍遣前使

謁

陵當否議

同月三十日

臣聞三年之喪自天子達於庶人禮莫重於居喪故

喪禮之外不遑於他事人君繼序受命之後展謁宗廟禮之大節而亦必待終喪行之其他可知也

先朝居憂時固嘗有所雨迎勅之舉槩諒闇不言之制既廢而親摠萬幾則或急於爲民或壓於事大出於不得已之權也臣之淺見妄以爲禮意本自如此故前日謁陵謁廟之議皆不敢奉承者此也今之議者或以爲墟墓之間與宗廟有間而今者旣行謁廟之禮則謁陵之禮何獨不可行乎此言則似然矣而嗣位後新謁宗廟之大禮節猝行於廟中有事之日雖引朱子墨纁入廟之言而朱

予之言槩以私家喪中不可廢祭而發則國家宗廟固未嘗廢祭而乃援私家變禮爲人君居憂中入廟之證者臣未見其襯貼也陵寢固輕於宗廟而乃以爲失禮之重者亦且行之輕者何獨不行云者果何如也今之議者又以爲今日殿下居憂之節有間於肅廟之甲寅殿下之於明陵有異於肅廟之於寧陵此則乃以常情之私昵欲定國家之大禮臣未知其何說也若然則明廟居仁宗之喪必謁靖陵仁穆之喪必謁章陵而儀曹亦無可考據者何也禮經奧義臣固素

昧而我祖宗之未行者臣不敢更有他議伏惟

上裁

傳曰予已言於日昨疏批中

先朝展謁事及

教矣然既已

太廟事俱由不可已之

大臣獻議中

陳章則不可不一番問議故也

秋展謁矣

所引

陳章則不可不一番問議故也

太廟事俱由不可已之

大臣獻議中

秋展謁矣

所引

陳章則不可不一番問議故也

太廟事俱由不可已之

大臣獻議中

秋展謁矣

所引

處置李範獄案議

四月初九日

光靈曰晚

取考李範等獄案則甲辰年範舉狀於本邑

光靈曰晚

暮得一女一男竊喜宗祀之有托矣婢妾子有機者

以其嫡同生謂非嫡母之已出乃潛取婢僕所產而

為已子者以此倡說於人請治其罪邑倅推問有機

則有機以其嫡母潛取婢子之時渠所目覩之事一

一發告又問其所謂女之父母男之父母則皆曰是

吾文也是吾男也果爲潛納於上典又問範之弟笈
庶弟箴庶從弟箋對等則亦皆以家間傳說耳目所
及者歷歷指陳曰非範之所生子女也其終也範亦
以今始翻然大覺自服而獄成矣夫有機者遭此人
倫非常之變恠乃反倡說於人致有其父告狀之舉
其罪已重而及其官庭對質之際少無隱忍痛迫之
意立隻證援不少顧藉此雖出於迷劣無識之致而
其罪之關係倫常可謂大矣本道查決大抵詳悉而
獨其不罪有機大失按獄之體矣雖然此非有機之
告範乃範之告有機則按以告父之律治以三省之

鞠臣未知其得當也若斗德等甥妹真是範妻之已出而有機敢生奪嫡之心欲爲構陷之計則其罪不容於誅而此則各人之招明白無疑蓋範之親戚隣里姻黨無不知其非範之子女而特範迷不覺悟耳範之招曰其妻十七年斷產之後五十一歲生女五十二歲又生男云臣謹按黃帝素問曰女子七七天癸竭地道不通故無子也七七四十九也是以世之婦女四十九歲受胎五十歲生子者間或有之而絕無五十後生子者況五十後逐歲生子於十七年斷產之餘此必無之理也素問是古聖達理之言則此

足爲斷案矣。範每以合血爲請，而本道推覈時使之合血，則不但子母之血相合，他人之血亦相合。以此不可憑驗，故置之矣。臣亦於昔年待罪秋曹時，遇如此之獄，使之合血，則其不可憑驗，亦如本道之事。似是未曉古人合血之方，而然矣。該曹如有合血明驗之道，則不害於一試，以破其疑惑，而有機考律勘罪其餘，仍依本道處決而施行，恐爲得宜。伏惟上裁。

傳曰依
議施行

請勿捧瀋陽咨文以待更咨議

丁未三月
十九日

瀋陽禮部之無皇旨而移咨我國，係是前所未有之

事前日 特命勿捧事體得宜今因使臣狀聞始知其本出於皇旨而使臣所聞則出於私自探知彼人咨文則終無舉論皇旨之事日昨 處分恐不可有所變改若據理勿捧之後彼人提舉皇旨更有移咨之事則其時捧納許施恐亦未晚矣但念彼人處負債者必是商賈中奸猾之類如是往復之際知幾逃躲則跟捕未易必有辱國之患今此使臣購得文書中所謂李明基者令灣尹密探其居止卽爲秘啓爲先囚禁窮問則其同事負債人亦必一一指告次次譏捕以待彼人更咨似合事宜伏惟 上裁

毆母罪人贊敬斷罪議

甲寅九月二十日
以奉朝賀獻議

大阿只淫奸親屬至產二子而贊敬愚蠢無識不能告官則是母道未絕也母道未絕則其所以毆打者乃毆母也今或以繼母淫奔之後則母道已絕爲言而此有不然者以南子之淫亂而先儒斷蒯瞶以欲殺母其說載於論語集註何可謂母道已絕乎蓋贊敬以遐方迷騃之人初不能告官而毆打之舉出於銜痛積憤之致則原其本情誠可矜愍而事關倫常只論大體何可以此有所原恕乎 聖教所謂母子之誼尚存更何叅恕云者義理嚴正臣不敢容議伏

惟上裁

閔文忠公奏議卷之六

